

海陽縣志卷四

輿地略三

山

金山一名金城山見王漢金山記在郡城北高四十丈周圍四里形如覆

釜多巨石為郡城後辰前有小湖今塞東北臨鯉溪相傳舊為金姓

所居故名唐宰相常袞嘗於其巔題初陽頂三字詳金石略韓愈刺潮

復建亭於鳳山樓左右謹案通志韓公建亭於鳳山樓之左右又有款涼延光二亭疑即此後廢宋大中祥符間知軍州事王漢始闢其勝竹木

蔥蒨荔枝尤繁因建荔枝亭並隨景命名有隱石獨秀峯西暉巖

鑑石岡仙游洞諸稱為記而刻之石詳金石略紹興間知軍州事翁子

海陽縣志

卷四

輿地略三

一

禮嗣修建一覽亭其上慶元間通判廖德明建周敦頤祠並刻周

子拙賦以朱晦庵手書拙窩二字改舊遙碧亭而名之宋元易代

摧鋒寨正將馬發拒元兵以戰死塚墓存焉至正間總管王翰刻

清暉同趣四字於鄭伸築城碑側俱詳金石略明天順間知府陳瑄延

邑人陳明德講學構玉華書院北山書院結亭其上曰披雲嘉靖

間知府邱其仁建望海亭萬厯間知府徐一唯建石坊曰東南最

勝曰第一山由石坊拾級上迤南有薛老峯介石少北洞坊左為

金山庵庵東上有瞻巖臺下有伏虎石總兵俞大猷勒銘其上俱詳

金石略山後最高處為超然臺前有橋曰橫鶴俱副使任可容建城

高跨山上山石特峙河干

國朝順治九年叛帥郝尙久築寨其上即今北閣濬井深數十丈今井猶存

光緒三年總兵方耀建書院於山坡環以齋舍翼以亭臺植梅柳

桃杏其中並構總督瑞麟巡道鳳安二公祠剔壤鑿石數年工始

訖十三年總督張之洞巡潮復飭建書樓院左鱗差雲蔓為一郡

鉅觀游屨登臨遂無虛日據大清一統志方輿紀要舊志采訪冊參修已上屬城中山

明梁國樹金城山詩曳履新城第一山山中金闕迴諸天千峯樹

影涵秋色一帶溪光動曉煙仙令清暉詩思裏幽人逸興酒杯前

烽銷半壁城如錦幾度登臨未忍還

林大春游金山詩金城碧樹倚穹蒼盡道新開漢署郎長夏渾如

對陰雪游人不信是炎荒雨餘村樹歌鴻雁洞裏簫笙引鳳凰此

日重來憐勝集明朝相望渺煙霜

薛僑金山和韻詩堂敞金山勝槩收城中洞府見深幽喬松石壁

長為護明月清風不用求檻外花香清益遠庭前草色翠交流登

海陽縣志 卷四 輿地略三 一一

臨未盡高山意欲采蘋蘩何處洲

國朝吳穎金山春望詩城頭高處立羣峯誰向巖中種數松草徑

不經戎馬到石門長是海雲封金銀氣在癡人語山水情深道者

逢雨過惡溪河路沒僧歸已報二更鐘

仇昌祚金山朝旭詩潮來獨上此山舒躡履攀蘿興自賒畫裏邨

墟人賣酒湖中野艇棹穿花石如蹲虎迎初旭鳳若棲亭帶早霞

最是登高望遠處炊煙縷縷出漁家

陳衍虞金山朝旭疊韻詩獨山無援自豁舒雲日偏於此地賒百

尺蒼松依玉筍滿城煙露護山花臨江攬盡千帆月踏閣全收萬

頃霞記得天游讀史地風光已屬擁旄家

張紹美金山翠石詩嶙峋高並四圍山隱隱巖錦繡閒雨色晴

分松葉翠苔痕秋老菊花斑欲題峭壁奇無句待漱雲根好得攀

斜枕韓江似襟帶天南雄峙作重關

謹案舊邑志所載諸山頗略而通志府志及諸輿圖不專一

隅亦勢難詳備故此卷所據舊文者僅十之二三採訪者轉  
十之七八惟增載既繁不能漫無統紀謹用松江府志例就  
全境山區分爲五曰城中山曰西北路山曰東北路山曰東  
南路山曰西南路山而爲分註於各路末條之下庶幾分別  
部居不相淆躐云

西湖山舊名銀山又名葫蘆山在城西北一里許山下爲西湖高  
約五十餘丈周圍十里循紫竹庵而上有老君巖即南巖巖下有洞

寬可容數十人祀老君其中今稱青牛洞又稱古瀛洞天唐貞元間中丞李宿

建觀稼亭於上宋元祐間知軍州事鮑粹又建二亭翼之左曰乘

風右曰待月今亭僅存待月係後人重建慶元間知軍州事林嶠濬古放生池

### 海陽縣志

#### 卷四

輿地略二

二

而跨以橋即西湖並建湖平放生倒影及雲塔東嘯立翠諸亭見黃景祥

記沿湖隄而東有晴雨亭止水庵今廢惟雁塔石仙人跡石尚存

明萬曆間郡人唐伯元于此建釣魚臺越數十步建壽安寺則宋

州學遺址也寺左有立石王漢刻詩其上又越數十步臨湖有蟾

蜍石謹案張志載臨濠有巨石二作崇知府王源毀之此當另爲一石石之後峭壁矗立俗名大石樓見

林大川西湖記上有玉筍峯獬豸峯爲高士彭西川葬處過此數十步爲

水仙祠俗稱水仙宮皆西湖前面山也越山西麓有棲鳳泉上有卓玉

峯多南宋人題記詳古蹟略並金石略

國朝康熙十三年叛鎮劉進忠築柵其上十七年總兵馬三奇巡  
道仇昌祚知府林杭學以湖山與郡城有輔車之勢即進忠築柵

舊址建為山城

詳城池據大清一統志  
周志張志碑記采訪冊參修

宋陳堯佐游湖山詩附郭水連山公餘獨往還疏煙漁艇遠斜  
日寺樓間擊馬芭蕉外移舟菡萏閒天涯逢此景誰信自開顏

明郭廷序上已游西湖山次詩采蘭人競出湖西  
飛酒聽鳥聲傳不住移樹影坐忘歸煙花過雨枝瘦霜竹穿

雲筍筍肥隔岸遙山是  
何處綠圍紅擁望中微

李見龍游湖山詩白日愁無遣青山興未孤板橋緣礪木屐  
信藜扶苔色浮碑字榕陰落酒壺他鄉拚醉好歸夢亦西湖

國朝王岱游湖山詩全潮形勝地逐路得躋攀繞郭俱臨水平  
疇忽起山萬煙如指掌一面獨當關海甸將垂盡人文聚此間

金璘昌上已重游湖山詩上已春光集鳳城同人修禊聽嘖鶯畫  
圖舊識雲山面雉堞新添瘴海情遠浦平橋喧士女巖樓邃壑醉

公卿飄蓬愧我虛遲  
暮十載循州雪鬢盈

曾華蓋夏日重集湖山詩不辭蠟屐到巖阿六載滄桑今再過環  
岫忽添新睥睨蔓亭猶遠舊煙蘿鐘聲寂寂殘燈少野色悠悠戰

馬多別後山靈疑乞  
句催詩細雨下松柯

海陽縣志

卷四

輿地略三

四

龔金麟登湖山最高處詩落日湖山頂紅雲片片飛天風吹我鬢  
涼氣逼人衣何處攜樽酒相將坐翠微翻思游華嶽狂嘯竟忘歸

陳用鴻春日登西湖山詩昔年游此醉芳樽綠密紅稠映粉垣  
裏泉聲來竹徑洲前鳥影落花村沿江撒網煙初霽隔嶺聞鐘晝

已昏今日重來尋舊  
處惟餘古篆護苔痕

劉注友人邀游湖山詩嘓鶯哈哈出花間暖日柴扉一啟關好友  
招尋湖上路崇巖秀在郭西山十年以往僧非舊正月之初客正

閒柳眼漸舒姚口笑  
春光入望且開顏

鄭茂蕙湖嶺晴巒詩湖嶺風光好差峩峙古庵幽花依石豔老  
樹錯藤參月影留崇堞鐘聲動碧潭雲霞時爛漫佳氣繞晴嵐

鳳山在城西北五里高十四丈周圍三里

據廣東輿圖  
采訪冊參修

明陸寬登鳳山詩濁酒相邀亦可留新銜曾號醉鄉侯浮村劇雨  
霏霏入繞郭春濤細細流移榻孤峯因上已開樽千里共瀛洲年

來戎馬西南急座  
有張衡說四愁

飛鵝嶺在鳳山北三里距城八里高八十餘丈由望天獅嶺分出

連接官洋

一名冠陽

等山跌落平埔周圍十餘里

據采訪冊修

公抱孫山在鳳山西北七里距城十三里高百餘丈崢嶸聳拔為鳳山西北諸山最高處山勢逶迤而來重巒疊嶂曰大嶼曰五斗綿延不斷周圍十餘里

同上

海陽山在縣北二十里高四十八丈周圍三里南望大海晉建縣於山麓故名縣以此

據廣東輿圖張志參修

謹案海陽山去城北二十里舊志及諸圖經紀載略同然城北沿江諸山綿互地皆迫狹無可置縣之理惟距城西北十里曰陽山其地名海區依山面野南盡平原或疑晉時建縣當在於此其以十里為二十里者記載之譌也姑存其說俟

### 海陽縣志

#### 卷四

輿地略二

五

識者審之

堠壙山在城西北十三里高五十丈周圍四里山麓有堠壙鄉

據采

訪冊修

錫岡在堠壙山西北二里距城十五里高五十丈周圍四里

艱難嶺在錫岡西北五里距城二十里高七十丈周圍十里以路險故名其後為龍甌寨

鍾寨嶼在艱難嶺西北十里距城三十里高百丈周圍八里山頂有天池其麓舊有寺今廢

黃竹嶼在鍾寨嶼西五里距城三十五里高百餘丈周圍十里西麓有廟祀風雨聖者及介子推

險石山在黃竹嶼西北三里距城三十八里高七十丈周圍六里有巨石壁立當坑路僅容足乾隆六十年朱阿姜反踞此俱據采訪冊修占必山在險石山西北七里距城四十餘里高百餘丈周圍十數里山產鉛鐵礪石山後爲豐順界

吳全嶼在占必山西北六里距城五十餘里高百餘丈周圍十里有水簾洞地極險阻山後爲豐順界

鯉姑頭山在城西北五十五里高百丈周圍二十里其西南界揭陽

雲梯岡又名洋庇岡在城西八里高二十五丈周圍二里咸豐四年吳逆之亂於山置烽火焉

### 海陽縣志

### 卷四

輿地略三

龜頭嶺在城西十五里距雲梯岡七里高十餘丈周圍里許三山書院寶慶寺在其東麓俱同上

楓洋山舊云卽楓澤又作楓湖

距城西十五里高三十丈周圍八里據舊志修

謹案舊志載楓洋卽楓澤廣東輿圖又作楓湖今俱無此稱

楊鐵嶺距城西二十里高百餘丈周圍二十里周志作距城三十里高百八十丈周

圍三十二里張志同謹案舊志各山丈數里數與今采訪多不符今之采訪亦係約計其數非果丈量也茲於采訪近實者錄之而仍將舊志註明以此石色青黑似鐵故名北麓突起若龜首俗名龜首嶺南麓有龍湫水西界揭陽

據大清一統志廣東輿圖舊志采訪冊參修

謹案邑境別有龜頭嶺山以形名故從同不必據彼疑此也

鼓鳳嶺在城西二十七里高百餘丈周圍七八里宋劉表墓在此

詳古  
略 稱為鳳山 據采訪  
冊修

布洞山在鼓鳳嶺西距城三十里高三十餘丈周圍五里產磁石  
膠潭嶼與上二山俱在楊鐵嶺西北距城三十五里高七十丈周  
圍六里布洞坑水由此出焉其南界揭陽

白水山距城西三十五里有巖 白水巖  
詳古蹟 高五十丈周圍十里 俱同  
上

白墳山距縣西三十五里高四十丈周圍八里西界揭陽 據廣東  
圖說周

志參  
修

謹案歸仁都今有白雲鄉原名白墳其地山嶺綿絡與楊鐵  
嶺毗連所云白墳山者或因其鄉而名之歟

竹竿山一名竹篙山亦名東山距城北三里高二十餘丈周圍里

### 海陽縣志

### 卷四

輿地略三

七

許 周志作高四十六丈  
周圍五里張志同 平坦秀拔為往來通衢明傳大聘築別墅

於山麓上有關帝廟觀音堂 據府志廣東圖  
說采訪冊參修

芋匏嶺在竹篙山上畔高七十丈周圍十里 據采訪  
冊修

龍康峽距城北五里兩山夾峙高各數十丈周圍七里為北廂諸

鄉取道至大河捷徑

訪問嶺 俗稱高  
厝塘 距城北十里高七十丈周圍七里

嘸哭嶺距城北十五里高百丈周圍三里嶺北為龍甌寨

蜈蚣嶺距城北十五里高二十丈周圍里許

鹿湖山距城北十七里高六七十丈周圍六里以山形似鹿故名

將軍鏊山距城北十九里與鹿湖山毗連高五十餘丈周圍二里

二塘山距城北二十里蟬聯三十六峯至鍾寨嶼綿亙二十餘里昔年伏莽多在此爲設營汛今廢俱據采訪冊修

西林峯距城北二十五里高數十丈周圍三里其下有西林鄉

曲灣山距城北三十里高數十丈周圍五里以溪流因山迴轉故

名邑人廖日昌詩云分明記得來時路轉個山腰便不同蓋詠此

尖山距城北三十里高二百餘丈周圍二十餘里與曲灣山連有

大尖二尖三尖等名西北界豐順

雞龍潭山距城北三十餘里下連曲灣上接松水高數十丈周圍

五里

烏石嶼距城北四十里高百餘丈周圍十餘里以山石多黑故名

### 海陽縣志

### 卷四

輿地略二

八

有峯曰松水尖松水鄉在其麓

竹山距城北五十里高百餘丈周圍二十里北界豐順

俱同上已上屬西

北路山

謹案廣東圖說海陽有樵溪山距城西北六十里重巒疊嶂

嵯峨險阻有松水塘汛曲灣汛葛後坑汛東濱韓江北界豐

順然樵溪地屬豐順與松水曲灣葛後坑相距三四十里諸

山相屬隨地各有主名固不必以界別縣者命之也

九郎山在城東北十里高七八十丈周圍十餘里重巒疊嶂起伏

有九故名寰宇記云縣有九侯山疑卽此

據大清一統志廣東圖說採訪冊參修

謹案廣東圖說云在城東北三十里以今道里計之當從一

統志又案該山閒有一峯體勢平夷上有白塔庵俗因名白塔嶺實則九郎之一峯也

尖筆山

周張各志俱作尖峯山今異其稱

在城東北十二里

舊志作十里

高百餘丈周

圍六里左連九郎山形如卓筆故名

據廣東圖說阮通志參修

鹿山在城東北十二里高六十丈周圍三里西連九郎白塔嶺南

連尖筆山

據採訪冊修

猴子額山在城東北十七里高百餘丈周圍十里南連尖峯山

鵲鳥尾山在城東北二十里高二百餘丈周圍二十里由尖峯猴

子額山東上南界東廂北界登榮以形如鵲尾故名

雙庫嶂在鵲鳥尾山北距城東北三十里高百餘丈周圍十里

海陽縣志

卷四

輿地略三

九

騰雲嶂在雙庫嶂東北五里距城三十五里高百餘丈周圍二十里上有騰雲寺其東爲饒平界

松林峯距城東北十里高八十丈周圍五里

走馬嶺距城東北十五里西連松林峯高七十丈周圍四里

赤水嶺在走馬嶺北距城二十里高五十丈周圍三里爲入赤水

諸鄉必經之路

俱據採訪冊修

獅頭嶺在走馬嶺東距城二十里高五十丈周圍二里以形似得名爲登榮上約諸鄉門戶

小筆架嶺距城東北二十里高七十丈周圍五里

山下嶺在小筆架嶺北里許距城二十餘里高七十餘丈周圍六

里石門鄉在其北麓

荖嶺距城東北三十里高百餘丈周圍十里

飛鵝嶼距城東北三十里高二百丈周圍十里山勢隆聳小水溪出其南麓

牛牯嶼在飛鵝嶼北距城三十五里高百餘丈周圍二十里其東

界饒平俱同上

別峯山又名鳳棲山在城東北十里高百餘丈周圍十餘里周志作高

百八十里 上有別峯庵為曳蘆和尚卓錫之所西麓有孝禪寺周志作高

北有古林覺園二寺久廢據府志採訪冊參修

婆姐嶺在別峯山東距城十八里高四十丈周圍二里為入登榮

### 海陽縣志

#### 卷四

輿地略三

十

中約諸鄉門戶據採訪冊修

石佛嶺在婆姐嶺東北距城二十里高五十丈周圍十里

大深坑山距城十五里自別峯山北至史公山南數里岡嶺連絡

高數十丈中含坑谷統名大深坑

史公山距城東北十八里高六十丈周圍五里

荖山由史公山東入里許距城二十里高四十丈周圍三里

彩鳳嶺在荖山東三里距城二十五里高五十丈周圍三里

高峯嶼在彩鳳嶺東五里距城三十里高百丈周圍八里

狐狸峽距城北三十餘里兩旁山嶺高各數十丈周圍五里其東

嶺有瀑布泉峽為入溪尾必經之路

溪尾嶼距城北四十里高百五十丈周圍十里

寥遠山由溪尾東入黃山坑至鳳凰山麓重岡陂陀相接此山特聳峭高二百餘丈周圍十餘里

鵝冠嶺距城北二十五里高五十丈周圍五里

大倍嶺距城北二十七里高數十丈周圍五里

赤墩山距城北三十里高七十丈周圍十餘里

俱據采訪冊修

金鐘山距城北三十五里高百餘丈周圍六七里有峯類鐘故名  
鯉魚山距城北四十里高二十餘丈周圍三里當時溪上流要衝  
內有兩潭一清一濁松水汎在其南麓

三台山由峙溪東入里許距城四十里高八十餘丈周圍二十里

## 海陽縣志

### 卷四

輿地略三

十一

峙溪諸鄉環繞其麓

籬壁山在峙溪北岸高數十丈周圍十餘里岡巒連絡若籬壁然  
青山嶼由峙溪東入七里高百餘丈周圍八里

猴子溜山由峙溪東入八里高百餘丈自此至鳳凰山重巒疊嶂  
計二三十里

烏石屏山距城北四十五里高五十餘丈周圍八里烏石汎在其

麓

謹案廣東圖說謂烏石汎在鳳凰山非也

白蓮山距城北五十里由江東岸入峯巒重疊深十里高百丈中

有白蓮庵自此至鳳墳嶺爲豐順界

俱同上

鳳凰山距城北六十餘里高數百丈周圍百餘里嵯峨鬱拔勢凌霄漢爲潮州第一名山上有天池石洞山麓有大平寺南屬海陽

西北界豐順東北界饒平

據廣東圖說採訪冊參修已上屬東北路山

明陳廷策游鳳凰山詩軒騶易筍篋鳥道便登陟林莽蔽日天行盡忽開闢此中別有境遠與紅塵隔喧雜猿鳥嘯往來虎豹迹泉聲如雷轟奔放激巨石仰望諸奇峯巘岼如劍戟攀藤陟其上去天方咫尺風雨變晦明烟霞共晨夕瑤草與琪花疑有神仙宅山麓俯深潭游魚吸寒碧磯頭坐垂綸乘釣卽有獲此來值暮秋林木鳴蕭槭埽石可爲几聚葉可爲席擬與偕游人烹魚大浮白山農驚且喜茅茨延上客食品薦山珍杯盤至狼藉隔宿始言歸幽討窮日力野老共忘機斯游樂何極

謹案鳳凰山南屬邑境張志不載周志則錯見於饒豐二邑

山志中第在饒稱高六百丈在豐又稱高百餘丈語特歧異

該山峯巒不一周志所載殆各據一面言之歟

### 海陽縣志

### 卷四

輿地略三

十一

韓山在城東一里舊名雙旌山頂有三峯形類筆架又名筆架山

高六十餘丈俯臨大江唐韓昌黎刺潮時常游覽於此故名後建

韓祠於中峯之坡祠有椽木郡人以花之繁稀卜科名盛衰

椽木在乾

隆時尚存今不見

祠左有侍郎亭三仁祠陸丞相祠又有虞山書院今廢

山麓爲韓山書院又爲乞佩亭

見張志

曲水流觴亭及景賢祠

二亭遺址

莫攷祠則與陸祠連

其北有巨石曰雙旌石

國朝光緒十三年總督張之洞巡潮檄知府方功惠於韓祠左隙

地添建亭閣石橋以助其勝

詳韓祠

左峯之麓有甯波寺自此迤南

形勢絡繹別名鐵城山山頂平方東一帶峯壑尤美有占峯臥石

峯青鳥峯鷺鸚峯雞籠峯綿互凡十數里劉允詩所謂三十二峯

江上山卽指此

據張志周志  
採訪岡參修

宋劉允韓山詩惆悵昌黎去不還小亭牢落  
古松閒月明夜靜神游處三十二峯江上山

楊萬里韓木詩笑爲先生一問天身前身後  
兩般看亭前樹子關何事亦得天公賜姓韓

明郭廷序登韓山詩松風滿袖覺身輕躡屐登臨逸興生夾路野  
花迎客笑隔林幽鳥向人鳴愛閒愁向塵中老弔古能無物外情

白歲重陽逢有幾  
浩歌歸去月華明

國朝陳衍虞筆峯晚涼詩三峯脫穎壯文園黨染濃如醉墨翻俯  
瞰層城圍錦堞還看峻壑滴仙源山容不爲軍容變松色常隨靄

色昏幾陣涼颼霏彩  
筆珊瑚是架插天門

謹案宋王漢金城山記云韓文公嘗卽東山爲亭以便游覽  
人呼爲侍郎亭又輿地紀勝金城山有韓木不知名土人以

歲開花爲登第之兆以今考之金城山在城中北境韓山則

海陽縣志

卷四

輿地略三

十二

隔江而東不相及也豈韓山又名東山一名金城山耶姑

識此以俟攷

大帽山距城東十五里高五十丈周圍四里其形如帽故名

據大清

一統志  
周志修

謹案今城東十五里無此山名惟小黃田其形酷似或卽是

歟

黃田山距城東二十里高百四十丈

周志作  
二百丈

周圍三十里山勢外

峻內夷多草少石前界東廂後界秋溪

據周志采  
訪冊參修

雲瞻嶼在黃田山東五里距城二十五里高百丈周圍五里雙峯

矗立雲表因名焉

據采訪  
冊修

石虎嶼在黃田山東南五里距城二十五里高百丈周圍三里  
嶺仔頭嶼在石虎嶼東三里距城二十八里高九十丈周圍五里  
雞翁嶺距城東三十餘里高數十丈周圍三里爲由郡往饒閒道  
東山距城東三十里高六十丈周圍二里舊有東山村今廢

謹案舊志載竹篙山亦名東山然在城北三里與東南路諸  
山迥別

石庵山由東山上距城三十餘里高百丈周圍八里山半有石巖  
中空題曰最上巖詳古蹟略土人名爲石庵明黃錦避亂居此

雙溪嶺距城東三十里高百丈坂路險峻爲入饒閒道以大水溪  
小水溪由嶺前分流故名俱據采訪冊修

## 海陽縣志

### 卷四

輿地略三

### 十四

南武嶼一名大筆架距城東四十餘里三峯屏列高三百餘丈周  
圍五十里東北爲饒平界西爲海陽界有山獠盤藍雷三姓族居  
其上

仙田山在城東八里周圍七里分三峯傍岸曰大山高四十餘丈  
右曰雷打山高十餘丈相傳上有石蛤爲雷震故名左有兩小山  
狀類魚鬪曰鯉魚山其一類眉月又名月弓山大山西南別有平  
岡高二十餘丈仙田鄉在其麓

謹案舊志在城東南二里有莆都山高十餘丈周圍四里四  
面皆方頂曰佃基今東南二里惟有鐵城山實則韓山南麓  
非別一山也其別一山者惟此頗稱聳拔然里數不同未知

卽莆都否耳附識之以俟參考

象山在城東二十三里距黃田山四里高七十丈周圍五六里以形似故名

老虎嶼與象山連高五十餘丈周圍三里

蜈蚣口山距城東二十五里高數十丈周圍十里為往北坑間道

虎面山一名三疊嶂在蜈蚣口山東高數十丈周圍三里俱同上

猴掩井嶼在城東三十里距虎面山五里高五十丈周圍四里以

山形相似故名舊有猴掩井汛今廢據廣東圖說采訪冊參修

謹案舊志有石甕山在城東北三十里今不詳其處惟廣東

圖說載石甕山有猴掩井汛知猴掩井嶼卽石甕山也

### 海陽縣志

### 卷四

輿地略三

### 十五

符使嶺在城東三十五里高四十餘丈周圍三里據采訪冊修

白石嶺在城東四十里高數十丈綿亙凡十餘里周志作距城東北六十里高百

七十丈周圍二十里東為饒平界據周志采訪冊參修

員山距城東南十里高六丈周圍一里周志作十里據周志廣東圖說參修

橫山距城東南二十里高七十丈周圍八里據采訪冊修

謹案廣東圖說有龍船嶺在城東二十五里東南界饒平今

城東無此山名惟橫山近界饒平距城里數亦合其形似龍

船或卽是歟

七屏山距城東南二十里高八十餘丈周圍二十五里七峯環列

如屏其北曰婆姐嶺自郡入鶴塘諸鄉皆取道焉嶺旁有雲湧寺

南麓盡處別名暘山

據張志廣東圖說採訪冊參修

筆山距城東南三十五里高三十丈形如卓筆

據採訪冊修

履高山距筆山三里距城東南三十八里高二十丈周圍三里

多年山距履高山三里距城三十八里高五十餘丈周圍五里

蝦母山在筆山東里許距城三十七里高十餘丈周圍二里其南

有福林庵

牛牯嶺在蝦母山東北二里距城四十里高一百丈周圍八里土

山沒石狀如眠牛

大坑嶺在牛牯嶺東高八十丈周圍八里上多松柏大坑之水由

此出焉

### 海陽縣志

### 卷四

輿地略三

### 十六

雞籠山在大坑嶺南里許高三十丈周圍二里以形似名

兆美山在雞籠山東里許距城四十餘里高數十丈其後為王公

山東至蓮花山凡十餘里俱饒平界

俱同上 已上屬東南路山

高車嶺在城西南十三里高二十餘丈周圍三里自郡城往鳳塘

鶴隴諸鄉皆由此

據採訪冊修

鸞門山距縣西南二十餘里

周志作三十里

高十二丈周圍一里

周志作十里

其形兩山大小相接似鸞魚牝負牡雙行故又名鸞母山山鄉幽

僻明末寇盜嘯聚於此舊有鸞門山汛今廢

據周志採訪冊參修

大赤嶺在城西南四十里與洋鐵嶺連高百餘丈周圍十餘里

據採訪

烏羊山在城西南十五里周志作二十里高三十丈周圍二里形類伏虎

為縣西屏翰以黑石纍纍連接俗呼為烏羊據周志采訪冊參修

青麻山在城西南二十里高二十丈周圍四里以地宜藝麻故名

舊有青麻山汛今廢據阮通志廣東圖說周志參修

桑浦山距城西南四十里高二百丈周圍五十五里山勢蜿蜒產

茶北麓多桑因名層巒疊嶂前明宵小竊發多踞此故田心置營

以扼其要今廢其西界揭陽南界澄海者曰外桑浦其東北邑界

曰內桑浦內桑浦跨東莆上莆龍溪三都在東莆者別名宗山舊

名華巖麓有王陽明祠明薛侃建今廢僅存石坊在上莆者別名

犀牛山宋嘉定二年建石塔於上以前有玉簡峯稱曰玉簡塔俗

### 海陽縣志 卷四 輿地略二 十七

又名牛矢塔或謂塔建後出五御史牛矢塔即御史塔之訛塔與峯並峙如兩文筆與縣

治相對峯巔有石石縫內有玉簡洞天四字詳雜錄峯之下曰獅子

山有巖迤西曰龍山有甘露寺相傳有孝子廬墓于此而甘露降

故名在龍溪者別名西山一名金獅山一名石井頭一名打石山中離山龍坑山莊

隴山西山下臨梅林湖碧水澄沕與峯巔相映仄徑崎嶇林木叢

茂上有白雲巖四通巖山麓有寶慶寺旁有石室祀文昌中離山

與西山連明薛侃自號中離嘗結廬講學于此山有十八景曰中

離洞曰石壁巖曰北元巖曰疊石巖曰登雲階曰偃月窩曰雲中

屋曰活水亭曰釣魚磯曰觀海亭曰仰離臺曰迎仙橋曰連雲徑

曰龍睡石曰藏修地曰後巖曰東巖西巖今惟中離洞龍睡石存

餘滅沒不可見龍坑山連接莊隴山尤險峻有風動石仙人棊枰石郭厝林鑄錢洞太平洞鱧魚洞烏尾角洞布拖嶺洞諸勝爲內

桑浦迤東極深處

據周志張志採訪冊修已上屬西南路山

國朝楊天培西巖山詩聞道西巖山上有白玉棊仙人於此會樵客坐睨之元鶴有時去白雲無盡時獅子巖詩清溪水如駛橫流湧江步巖頭明月光巖下秋風渡白沙自年年忘機宿鷗鷺

謹案阮通志據 大清一統志稱桑浦山周圍五十里接揭

陽界甘露巖在縣西七十里又據廣東輿圖說稱桑浦山巔有塔旁有井秋冬不竭又據縣志別載宗山云在縣西南四十里據郝志別載獅子山云縣西南五十里周圍四十里廣東圖說所載略同縣志又別載西山云在龍溪地界海揭之

海陽縣志

卷四

輿地略三

十八

交今就諸說參證所稱桑浦山巔有塔者卽玉簡塔甘露巖亦卽在此中所稱旁有井秋冬不竭者今不可見而西山相沿稱石井頭是否卽其地亦無確證核所記載牽連交錯知宗山獅子山甘露巖西山皆統於桑浦隨地異名猶之同一太行而在燕則謂之燕山近鄴亦謂之西山也桑浦起揭陽桃山蜿蜒達澄海之蓬洲袤延百里有奇舊志稱界海揭以此而通志所云周五十里蓋第就一面言之其云接揭陽界而遺澄海者一統志沿明嘉靖前未析置澄海之文通志承用未及審訂耳

海陽縣志卷四終

潮城謝存文館承刊